

尚友錄

(明)廖用賢編



尚友錄卷五

閩綏安 廖用贊 賓于編纂

楚晴川 張伯琮 鶴湄補輯

男 張坦讓 遜菴叅訂

張任鄭 若虔

孫 張任郎 夢選 校正

張任郎 夢選

溫

平原商音唐叔虞之後晉公族受封河內之溫因以命氏又郤至食采于溫小號溫季又望出

汲郡

清河

溫

恢

三國字曼基祁人年十五家足于財曰世方亂安以富爲一朝盡散賑施宗族州旅高之

累官涼州刺史

子生爵關內侯

溫

嶠

晉字太真父愴河東太守嶠博學能文丰儀秀整爲劉琨右司馬奉表江東元帝器之王

導等竝與親善後除散騎侍郎累遷開府儀同

三司

嶠姑有女屬嶠爲覓婿答曰佳婿難得

如嶠者何如姑曰何敢希汝後報姑曰已得婿矣門第人才不減於嶠因下玉鏡臺一枚旣行

婿禮畢女披紗扇大笑曰我故疑老奴果如卜

嶠初都督江州軍事過牛渚深不可測世傳

下多怪嶠燃犀照之奇形異狀赤衣乘馬者須臾水族覆火夜夢告曰幽明自別何意相照如此王敦旣下住船石頭欲有廢明帝意賓客盈座敦知帝聰明欲誣以不孝廢之每言帝不孝之狀皆云大真所說須臾溫至敦便奮其威容問溫曰皇太子作人何似溫曰小人無以測君子敦聲色並厲欲以威力使從已乃重問溫曰太子何以稱佳溫曰鈞深致遠蓋非淺識所測然以禮待親可稱爲孝敦愧而銜之後嶠與陶侃共起兵訂蘇峻求糧于侃侃不與嶠曰師克在和古之善教也嶠與公俱受國恩若濟則臣主同祚如不捷當灰身以謝先帝今事勢又無旋踵譬如騎虎安可中下哉公若沮衆敗事義旗將迴指於公矣侃悟分米餉嶠遂水陸

並進斬蘇峻于白石官至驃騎大將軍封始安公卒年四十二諡忠武子放之式之俱貴顯

溫子昇

南北字鵬舉博學百家文章清婉常景曰溫生是大才士孝莊以爲主客郎中濟陰王暉

業嘗云江左文人宋有顏延之謝靈運梁有沈約任昉我子昇足以凌顏轢謝舍任吐沈庚

信自南朝至北方惟愛子昇寒山寺碑云惟寒山一片石堪共語耳陽夏守傅標使吐谷渾

見其國主牀頭有書取視之乃子昇文也

溫大雅

唐字彥宏與弟大臨字彥博大有字彥將俱知名薛道衡見之曰三人皆卿相才也與董

常等詣河汾師事王通受王佐之道太宗朝大雅封黎國公大臨拜中書令

溫造

唐字簡輿大雅五世孫父信安祿山亂往見平原太守顏真卿助爲守計造姿表魁傑性

嗜詩書隱東都王屋山慨然有高世之心河陽節度使烏重胤以禮聘至幕下後遷殿中侍御

史抗疏劾夏州節度李祐違詔進馬祐曰吾雪夜入蔡州擒吳元濟未嘗動心今日膽落于溫

御史

矣

溫庭筠

唐彥博裔孫少敏悟工爲辭章與李商隱齊名號溫李作賦八叉手而八韻成大中末授

方山

尉

溫璋

唐爲京兆尹設鈴以通冤訴者一日聞挽鈴聲視之乃鴉也璋曰是必訴人採子命吏視

之果得採子者累
官有政績賜金紫

溫廷皓

唐咸通中署徐州幕府值龐勛反以刃脅之
作表罵曰我豈以筆墨事汝邪速殺我勛笑

曰儒生

有膽耶

溫革

宋石城人寶元中上書願納家貲盡市國子
監書得請歸剏講堂開義學遠近之士多就

教育鄉俗

陶其善化

溫憲

宋咸通中及第與
張喬等爲十哲

袁

汝南羽音陳胡公七代孫莊伯生諸孫濤塗以
王父字爲氏世爲陳上卿又聖出陳留新城其

後去車爲袁或作爰實同出一源也

袁

盎

漢字絲文帝時爲中郎將上欲西馳下堦坂盎曰臣聞千金之子坐不垂堂聖主不乘危

不徼倖陛下縱自輕如高廟何上乃止帝與慎夫人同坐盎引卻其坐曰陛下獨不見人彘乎

袁

著

漢汝南人年十九見梁冀凶縱上書劾之冀殺之

袁

安

漢字邵公汝南人徵時客洛陽時大雪洛陽令按行至安門門閉無行跡令人除雪入戶

見安僵臥曰大雪人皆餓死豈宜干人令舉爲孝廉建初中爲河南尹在職十年政尚慈愛上諭之曰孫寶行秋霜之誅袁安留冬日之愛累官司空復爲司徒子敞孫湯曾孫逢四世三公

安子京字仲譽少無進取志隱居縣城東北隅五里山後人因其姓遂名曰袁山豫章太守爲京立高士坊習孟氏易作難記三十萬言後官至侍中京子賀爲彭城相卒于官賀子閔字夏甫與兄弟迎父賀喪不受賻贈纔經扶柩冒犯寒露體貌枯毀手足血流見者莫不傷悼後陳蕃薦其可登三事桓帝以安車徵之及朋黨事作閔乃築土室潛身十八年絕不見客旦暮于室中向母禮拜雖子往亦不得見子亦向戶拜而去首不著巾身無單衣足著木屐母死不列服位范滂美而稱之曰隱不違親貞不絕俗可謂至賢矣閔子弘字紹甫恥其門族貴勢乃變姓名徒步師門不應徵辟終于家安曾孫逢字周易以累世三公子寬厚篤信著

稱于時官至司空子基位至太僕弟觀官至太傅世皆歷顯官安玄孫紹字本初有姿貌威容愛士養名既累世台司賓客所歸且傾心折節莫不爭赴其廷士無貴賤與之抗禮輻輳紫轂填接街陌歷大將軍兼督冀青幽并四州牧討曹操不克軍潰于倉亭疾作卒

袁

玘

漢陽羨令造長橋以利涉玘生有神異能逆知水旱無疾而卒邑人至今祀之

袁藏機

漢有三鳥犬類鶴每翔空而飛呼之即下令授人語故謂之傳語鳥

袁

宏

晉字彥伯小字虎自少有逸才謝安輩之爲東陽太守安以扇贈行宏曰當奉揚仁

風慰彼黎庶所著有咏史詩及東征等賦世稱其美宏作東征賦都不道陶公胡奴誘之狹

室中臨以白刃曰先公勲業如是公作賦如何
相忽略宏窘感無計便答我大道公何以云無
因誦曰精金百鍊在割能斷功則治人職思靖
亂長沙之勲爲吏所讚桓宣武北征宏時從被
責免官會須露布文喚宏倚馬前令作俄得七
紙殊可觀東亭在側極嘆其才云當令齒舌間
得利復命作北征賦旣成宣武與賈賢共看咸
歎嗟之時王珣在坐云恨少一句得寫字足觀
當佳宏卽于坐攬筆益云感不絕于予心淚流
風而獨寫公謂王曰當今不得不以此事推袁

袁山松

晉陽夏人少有才名博學有文著後漢書襟
情秀發善音樂舊歌有行路難曲辭頗疎質

山松好之乃文其辭句婉其節制每因酣醉縱
歌之聽者莫不流涕初羊曇善唱樂桓伊能挽

歌及松行路難繼之時人謂之三絕時張湛好
于齋前種松柏崧每出遊好令左右作挽歌入
謂湛屋下陳尸崧道上行殯歷官吳郡太守
孫恩作亂城陷被害嘗撰後漢書一百卷

袁

羊

晉字彥升陳郡人孝武將講孝經謝公兄亦
與諸人私庭講習車武子苦難問因謂羊曰

不問則德音有遺多問則重勞二謝袁曰必無
此嫌車曰何以知爾袁曰何嘗見明鏡疲於屢
照清流憚

於惠風

袁

耽

晉字彥道陽夏人少有才氣倣儻不羈爲士
類所稱和溫少時遊于博徒貲產俱盡尚有
負逋無自振之方莫知所出欲求濟於耽而耽
在艱試以告焉耽略無難色遂變服懷布帽隨

溫與債主戲就素有藝名債者聞之而不相識謂之曰卿當不辦作袁彥道也遂就蜀十萬一擲直上百萬就投馬絕叫探布帽擲地曰竟識袁彥道不其通脫若此

袁

豹

晉字士蔚陳郡人隆安中爲著作佐郎累遷太尉長史丹陽尹殷仲文天才宏贍而讀書不甚廣傳亮歎曰若使殷仲文讀書半袁豹才不減班固

袁

粲

南北字景倩少孤好讀書及長有風操嘗著妙德先生傳仕宋累官左僕射出鎮石頭城爲劉僧靜所殺子最以身衛父俱死粲語最曰我不失爲忠臣汝不失爲孝子 粲疎放好酒嘗散步白楊郊野間道遇一士人便呼與酣飲明日此人謂被知遇詣門求通粲曰昨日飲酒

無偏人曰觀宋復為煩榮嘗謂周旋曰昔

國中北字景淵對泉國人飲之無不狂者惟國

君穿井而飲者不狂國人既並狂又謂國主

之不狂為中宮主共執國主療其狂疾火艾鍼

藥畢具國無疾其苦於是到泉所酌泉而飲

之飲畢便狂當其大小其狂若一眾乃歡然我

既不狂難以獨立

比亦試飲此水矣

袁

象

南北字緯才陽夏人仕宋為武陵內史兄顗見誅宋明帝投尸江中象與舊奴十人微服

求尸四十餘日乃得密瘞石頭後岡尋改葬焉

初象幼而母卒養于伯母王氏象遂事之如母

袁廓之

南北字思度陽夏人因父死非命終身不聽音樂布衣蔬食足不出戶誓不臣宋時人比

之晉王蒙云顏延之每見歎曰有子如袁廓之足矣後仕齊爲太子洗馬

袁

昂

南北字千里粲從弟仕南齊爲尚書令明帝謂曰昂昂千里駒在卿有之今改卿名爲昂

字千里昂立朝謇諤不趨權勢後復仕梁爲吏部尚書梁武詔曰齊明帝用卿爲黑頭尚書朕用卿爲白頭尚書世號宗臣雅有人鑒被接見者亦號爲登龍門云

袁

淑

南北文冠當時作赤鸚鵡賦及見謝莊賦歎曰江東無我卿當獨步我若無卿亦一時之

傑宋元嘉中官至左衛率及逆劬弑文帝淑切諫被殺孝武帝起兵誅劬加封贈

袁

躍

南北字景騰博學俊才性不矯俗其兄翻嘗謂人曰躍我家千里駒也歷任尚書都兵郎

中散騎
常侍

袁

憲

南北字德章幼聰敏國子博士周弘正將升

講堂授以麈尾令升講坐論說曰此兒已堪

代博士矣時生儒對策多行賄賂其父君正曰

我豈用錢爲兒買第邪尋擢高等陳宣帝朝

爲右僕射嘗陪宴承香閣帝徙席山亭談宴終

臣帝謂樊俊曰袁家固謂有人憲兄樞爲左僕

射臺省目樞爲太僕射憲爲小僕射憲子勗

仕陳後主命其爲月賦一篇灑然無留思後主

曰謝莊不得擅美于前矣復詔爲芝艸嘉蓮二

頌帝歎賞尤厚唐太宗朝爲給事中次子承

序唐太宗崇選僚屬問梁陳名臣子弟誰可舉

者岑文本曰昔陳亡百司奔散袁憲朝服立後